



Inatsisartunut ilaasortaq Andreas Uldum, Demokraatit
Inatsisartut Allattoqarfiat
/maani

Iluanaarutinit agguagarsisarneq pillugu § 37 nr. 66-imut akissuteqaat

Royal Arctic Line A/S-imi (RAL) iluanaarutinit agguagarsiassiissutissatut naatsorsuutigisat pillugit apeqqummik Naalakkersuisut tigusaqarput. Apeqqut ataani allaqqasutut akissuteqarfigineqassaaq.

Suna pissutaava Naalakkersuisut Royal Arctic Linemit agguagarsiumallutik piumasaqarsimanerannut naak ingerlatseqatigiiffik amingartoornikuugaluartoq?

21-03-2014
Suliap nr. 2014-097462
All. nr.1518442

Postboks 1015
3900 Nuuk
Oqarasuaat (+299) 34 50 00
Allakkasuartaat (+299) 32 50 02
E-mail: govsec@nanoq.gl
www.naalakkersuisut.gl

Akissut:

Nuummi umiarsualivimmik nutaamik pilersitsinissamut atatillugu naatsorsuutigisat ilaginikuuvaat RAL aningaasalersueqataassasoq, tassami RAL-imit piffissami ungasinnerusumi assartugassanik piaareersaasarnermut ingerlatsinermut aamma angallasseriaatsiminik umiarsuaatiminillu pitsanngorsaasinnaassammat, umiarsualivik 2016-imi naammassineqarsimalerpat. Taamaattumik Naalakkersuisunit ingerlatseqatigiiffimmuut isumaqatigiissutigineqarsimavoq iluanaarutinit agguagarsisitsineq teknikkikkut aaqqiineq pitsaanerpaassasoq tamatuminnga piviusunngortitsiniarnermi. Ilanngullugu pineqartoq peqqissaarluinnartumik inatsisartuni suliarineqarnikuuvoq ataatsimiititalianit arlalinnit kiisalu naggataatigut Inatsisartunit isumaqatigiittunit UKA 2013-imi aalajangiiffigisassatut siunnersuummut atatillugu.

Naalakkersuisut isumaqarnerlutik assartuinnermut akit qaffanneqartariaqarsimanngikkaluartut Naalakkersuisut ingerlatseqatigiiffimmit amingartooruteqarluni ingerlasumit agguagarsiumalluni piumasaqarsimanngitsuuppat?

Akissut:

Naamik. Nassiussat akiisa qaffannerannut peqqutaavoq nassiussaasartut ikileriarsimanerat taamalu RAL-imi kaaviaartinneqartartut annikillisimaneeri. Ingerlatseqatigiiffik taarsigassarsinissamik isumaqatigiissutimini imminut pisussaaffilersimavoq aningaasatigut isaatitsinissamut annikinnerpaamik

aalangersimasumik annertussuseqartitsinissamik. Kaaviiartitsinerup
annikilleriarsimanerata pisariaqalersissimavaa nassiussanut akit qaffannissaat
taamatut piumasaqaatigineqartumut eqqutitsisinnaajumalluni.

Inussiarnersumik inuulluaqqusillunga
Med venlig hilsen


Aleqa Hammond